


NOLAKO JAIZKIBEL DUGU? NOLAKO JAIZKIBEL NAHI DUGU? NOLAKO JAIZKIBEL IZANGO DUGU?

Asko hitzegin da, esan da, bizi eta sufritu da gure bizilagun eta babes den Jaizkibel mendiarekin. Garai batetako histori eta kontakizunei esker, bere edertasun eta aberastasuna imajinatu dugu eta gure aiton amonek ere hainbat eta hainbat xehetasun eta histori kontatu dizkigute. Guk ere, txiki txikitandik, jolas leku, bizi toki izan dugun Jaizkibel, gizakiok egunetik egunera nola izorratzen genuen lekuko izan gara eta gara.

Militarrak, harrobia, argi indar sareak, pinuak, pistak, suteak, eraikuntzak, antenak, euri azidoa, gizakien inbasioa, zaborteziak, itsaso zikintzeak, etab., azken finean errespetu eskasak eta etekin ekonomikoek lur jota utzi dute Jaizkibel gaixoa.



Egitasmo berria.

Gaixorik, ia ia isolaturik, eraso bat bestearen atzetik datorkiolarik, eutsi nahian, hil zoriona baina oraindik ere bitxikeri eta aberastasun ugariz beterik agertzen zaigu.

Eusko Jaurlaritzaren aldetik, herrialde guztietan, lur antolaketa bat egiten ari dira, lur bakoitzaren erabilpenak zehaztuz. Dirudenez Jaizkibel mendia babesarik gabe geratuko litzateke "USO NO DEFINIDO" kalifikazioa hartzen bait du, hau da, edozein astakeri egin litekeen lur eremua, nahiz eraikuntza, errepide, kai, harrobi...

Hondarribiako talde ekologista eta udalak gaiari heldu eta Jaizkibeli buruz, 1990eko apirilean eta diputazioaren aginduz "EKAIN" taldearen eskutik egindako egitasmoa oinarritzat harturik, Jaizkibel babesteko bilera eztabaidak egiten hasiak dira. Lezon ere horretan gaude.

Herritar guztiontzat interesgarria eta aberasgarria izango delakoan, gehienbat Lezori dagokionaren laburpen bat eskeintzen dizuegu, honekin loturik eta azken atalean, Lezoko udaleko ingurugiro batzordean agertutako kezka eta ezadostasunak gehituz.

Lehen esan bezala, ikerketa hau duela hiru urte egina izan zen orain arte hauts tartean eduki badute ere.

Hasteko esan beharra dago antolamendu egitasmo honek ez duela Jaizkibel bere osotasunean hartzen, lurralde asko, Gaintxurizketako magaleak, Lezo inguruko eremuak, etab., kanpo geratzen bait dira.

Dena dela eta ikertutako mugen barneko lur eremuak honela banatuta geratuko litzateke:

- ✓ Kosta eta amildegia
- ✓ malda eta gailurrak
- ✓ Hondarribia aldea, Guadalupe, Higuera
- ✓ Lezo eta Pasaiako inguruak.

Antolamenduak lau atal hauek hartzen baiditu ere, hemen gehienbat, Lezori dagokiona azaltzen saiatuko gara informazio zabalago bat nahi ezkerreko Udalera ere jo daitezke larrik.

Honela bada, Lezori dagokionez eta antolamenduaren helburuei buruz honako hau dio:

"Reserva de la cresta de Eguzkitza como posible equipamiento municipal de espacios libres, mejorando sus accesos y considerándolo como zona periurbana con tolerancia de edificación":

- * Protección y mejora del tratamiento de la campiña y laderas sobre Pasajes y Lezo.
- * Creación de elementos de cornisa y paseo en las laderas sobre Pasajes y Lezo.
- * Control y regulación del uso de huertas.
- * Mejora de la accesibilidad general.

Proposatzen dituen konponbide orokorrak hauexek lirateke: "La colina de Eguzkitza, sobre Lezo, tiene posibilidades para la creación de un recinto semejante al de Arrokaundieta, como lugar de estancia, reposo y magníficas vistas sobre el puerto y valle".



*Lezo
Jaizkibelen
kumea da.*

“En la parte alta de cumbres y laderas el uso dominante será el ganadero y el forestal. Los planes priorizarán la detención de los procesos de erosión, plantación de arboleda autóctona o de tipo atlántico y protección de esta zona con cercados”. “Las pistas tendrán un uso acorde con la EXPLOTACIÓN autorizándose el paseo peatonal y en casos especiales el paseo ciclista, con algún punto de mirador e instalaciones anti-incendio”.

Komunikabide edo errepideei buruz zera dio:

“Conexiones de borde desde Gaintxurizketa; una hacia Lezo y la colina de Eguzkita, y otra hacia Guadalupe, mediante dos viales”.

ANTOLAKETA EGITASMOAREKIN EZADOSTASUNAK

Lezoko Udaletxean 93ko ekainean egindako ingurugiro batzordean, baserritar, mendizale nahiz ekologisten aldetik behar beharrezkoa ikusten da Jaizkibel babesteko antolakuntza bat; hala eta guztiz ere “EKAIN”ek egindako proiektua mesfidantzaz ikusten zen, onerako beharrean, txarrerako ez ote litzatekeen azalduz.

Batzorde honetan, lehenik, antolamendu egitasmoak Jaizkibel bere osotasunean hartzea ikusten zen, hau da, mugak errepide nagusiraino zabalduz, Gaintxurizketako erreka, baserrigune, etab., bertan barneratuz, eta zenbait jabego pribatu publiko eginaz.

Batzorde honen ustez lehentasuna beti ere interes ekologikoei eman behar zaio, erasoak, explotazioa eta espekulazioa baztertuz. Jaizkibel babestu nahi bada, berehala hastea komentatzen da, dauden inpaktoak gutxituz, ez bait du inongo logijarik azterketa hau egiten ari den bitartean, mendiari egiten ari zaizkion erasoekin jarraitzea (harrobia, ehiza, rallya, pista berriak, zabortegeiak, suteak, militararak...).



Jaizkibel behin eta berriro erre dute.

Militarrak alde egitea ongi ikusten da mendi zati hori herriarentzat berreskuratuz.

Bestalde, honelako plan edo egitasmo batek Jaizkibel babestu nahi badu, kotxea mugatu behar duela ikusten zen eta ez errepide berriak eraiki edo eta adibidez 15 parking egin. Era berean pista berriak ez egitea eta daudenak ixtea proposatzen da, oinezko eta batzuk, txirrindentzat bakarrik geratuko liratekeelarik. Proiektu honek kotxea potentziatzen du, parking, errepide ondoko parkeak, zaborra eta hainbat eraso ekarriz.

Batzordean Diputazioak gaur egun daraman berpoblaketa ere kritikatu zen, produkzio eta explotakuntzan oinarrituta bait dago, berpoblaketa bertako zuhaitzez eta batezere AMETZAZ (*Quercus Pyrenaica*) zuhaitzez egitea proposatzen delarik, beti ere baso horiek mendiaren aberastasun bezala zaindu eta babestuz.

Eguzkitza aldeko parke mota hori baztertu egiten da, gainerik 30.000 watioko argi indar sarea pasatzen delako, autoei zuzendutako parke bezala konteplazten delako eta Sotxo ingurua bera ere gehiago degradatuko duelako.

Azkenik kostaldea "zona sensible" kategoriaz izendatzea proposatzen da itsasoa bera ere garbi mantendu nahian.

LEZOKO EKOLOGI TALDEA